



Broj: 01/3-50-1-29-7/04
Sarajevo, 13. aprila 2004. godine

Z A P I S N I K
sa 7. sjednice Komisije za vanjsku trgovinu i carine
Predstavničkog doma Parlamentarne skupštine BiH,
održane 13. aprila 2004. godine

Sjednica je počela u 14 sati.

Sjednicom je predsjedavao Petar Kunić, predsjedavajući Komisije.

Sjednici su prisustvovali: Fatima Leho, Ibrahim Đedović, Mladen Potočnik i Momčilo Novaković.

Opravdano odsustvovali sa sjednice Azra Hadžiahmetović i Nikola Kregulj.

Sjednici nije prisustvovao Filip Andrić.

Sjednici su prisustvovali Emira Češljar sekratar Komisije i Muhamed Mujakić, student završne godine Pravnog fakulteta i apsolvent Ekonomskog fakulteta u Sarajevu, učesnik u programu studentskog stažiranja u Parlamentarnoj skupštini Bosne i Hercegovine organiziranog od Nacionalnog demokratskog instituta za međunarodne odnose (NDI).

Za sjednicu Komisije je predložen i jednoglasno usvojen sljedeći

D N E V N I R E D

1. Usvajanje Zapisnika sa 5. i 6. sjednice Komisije
2. Ponovno razmatranje prijedloga Zakona o izmjenama i dopunama Zakona o Vanjskotrgovinskoj komori Bosne i Hercegovine, predlagač poslanik Momčilo Novaković
3. Tekuća pitanja.

Ad-1

Zapisnik sa 5. i 6. sjednice Komisije usvojen jednoglasno bez primjedbi.

Ad-2**Ponovno razmatranje prijedloga Zakona o izmjenama i dopunama Zakona o Vanjskotrgovinskoj komori Bosne i Hercegovine, predlađač poslanik Momčilo Novaković**

Na 4. sjednici Komisija je, nakon opšte rasprave o Zakonu, na prijedlog predlađača Zakona jednoglasno zaključila da se od Vijeća ministara Bosne i Hercegovine zatraži mišljenje o opravdanosti Prijedloga izmjena i dopuna člana 22. Zakona kako je to predložio predlađač.

Vijeće ministara Bosne i Hercegovine je na 38. sjednici razmatralo Prijedlog zakona o izmjenama i dopunama Zakona o Vanjskotrgovinskoj komori BiH i zaključilo da je protivno postojećim zakonskim rješenjima njegova izmjena i dopuna, te je 9. aprila 2004. godine dostavilo mišljenje u kome je navedeno da još nisu ispunjeni uslovi za suštinske izmjene predmetnog Zakona.

Predsjedavajući Komisije je istakao da je u mišljenju navedeno da nisu ispoštovana dva načela: načelo samostalnosti pravne osobe i načelo zakonitosti.

Momčilo Novaković, predlađač Zakona je mišljenja da izmjene i dopune Zakona o Vanjskotrgovinskoj komori BiH nisu u suprotnosti sa navedenim načelima. Smatra da ostvareni prihod koji bi se dijelio u omjeru 40:60 između entitetskih/regionalnih komora i Vanjskotrgovinske komore BiH racionalan, iako je članstvo u komorama na dobrovoljnoj osnovi. Sadašnjim načinom podjele se ostavlja prostor za rivalitet između entitetskih komora koje će tražiti način kako da opstanu.

U raspravi su učestvovali: Mladen Potočnik, Fatima Leho, Momčilo Novaković i Ibrahim Đedović.

Mladen Potočnik je istakao da u svijetu postoji model obaveznog i neobaveznog članstva u komorama. Privredno-pravni subjekti koji se bave izvozom i uvozom njima ne treba Privredna komora, njima trebaju špediteri i carinske službe. Logično je da članstvo u Vanjskotrgovinskoj komori BiH bude na principu dobrovoljnosti.

Fatima Leho smatra da sada ostane sistem kako je to regulisano Zakonom usvojenim oktobra 2001. godine i zasada ga ne treba mijenjati.

Ibrahim Đedović je mišljenja da bi mogao rasuđivati o navedenom za osnov toga bila bi dobro imati Informaciju onih subjekata koji se bave uvozom i izvozom. Istakao je da je on za očuvanje instrumenata koji će biti u funkciji ljudi, Naveo je primjer Republike Slovenije gdje za promociju asortimana i izvoza robe radi 20 osoba.

Nakon opšte i rasprave glasalo se o principima Zakona. Komisija sa jednim glasom «za», dva glasa «protiv» i dva «uzdržana» glasa nije podržala Prijedlog zakona o izmjenama i dopunama Zakona o Vanjskotrgovinskoj komori Bosne i Hercegovine, predlađača poslanika Momčila Novakovića.

Ad-3

Postavljeno je pitanje zašto sjednici Komisije ne prisustvuje ministar ili zamjenik ministra za vanjsku trgovinu i ekonomske odnose kako je to predloženo na 5. sjednici Komisije.

Sekterar komisije je napomenula da se o navedenom prijedlogu na 5. sjednici Komisije nije glasalo, zamolivši članove Komisija da pristupe naknadno glasanju.

Jednoglasno je zaključeno da se u buduću, na osnovu odredbi Poslovnika o radu Vijeća ministara BiH i Poslovnika Predstavničkog doma na sjednicu poziva ministar, odnosno u njegovoj odsutnosti zamjenik ili pomoćnik ministra.

Ibrahim Đedović je izrazio žaljene zašto na Međunarodnu konferenciju o investiranju u BiH koja je održana pod pokroviteljstvom Predsjedništva BiH u periodu od 26-27. februara 2004. godine u Mostaru niko ispred članova Parlamentarne skupštine odnosno Komisije nije pozvan da prisustvuje. Dogovoreno je da se Predsjedništvu u tom pravcu uputi pismo zamjerke.

Također je dogovoreno da Mladen Potočnik predloži na 33. sjednici Doma dopunu dnevnog reda sa tačkom "Raskidanje ugovora o slobodnoj trgovini sa Republikom Hrvatskom, zajednicama Srbijom i Crnom Gorom.

Mladen Potočnik smatra da se odricanjem prelevmana od 1.4.2004. godine na uvoz pilećeg mesa i sirovina za prerađevinu država gubi 25 miliona KM i da su u Strategiji srednjoročnog razvoja BiH pogrešno postavljene: slobodna trgovina; privatizacija; nedostatak projekta zaštite i stimulisanja bh privrede.

Petar Kunić izrazio je nezadovoljstvo na izlaganje ministra Dragana Doke na 32. sjednici u vezi usmenog izvještaja Vijeća ministara BiH o zaključku Predstavničkog doma za postizanje dogovora o moratoriju sporazuma na sporazume o slobodnoj trgovini sa Hrvatskom, Srbijom i Crnom gorom do 1.1.2006. godine, istakavši da uopće nije pomenuo Zaključke od 11. tačaka koji su usvojeni na 29. sjednici Predstavničkog doma i upućeni radi realizacije Vijeću ministara.

Zaključeno je da se uputi pismi Kolegiju doma u kome bi se inicirala u okviru međuparlamentarne saradnje, posredstvom i Misije OSCE–Projekta podrške Parlamentu, posjeta članova Komisije parlamentima zemalja u tranziciji (npr. Republici Sloveniji, Republici Češkoj ili Kraljevini Belgiji koja ima slično unutrašnje uređenje kao i BiH) u cilju upoznavanja sa organizacijom, aktivnostima, funkcioniranjem i razmjenom iskustava u okviru djelokruga poslova Komisije. U više navrata Komisija je i u prošlom sazivima imala slične sugestije ali nisu realizirale.

Predsjedavajući Komisije je obavjestio prisutne da se odgađa formiranje radne grupe za posjetu carinarnicama, kao i zakazivanje sastanka sa Vanjskotrgovinskom komorom BiH.

Momčilo Novaković je obavijestio prisutne da je na Klubu SDS za člana Komisije umjesto njega predložena poslanik Mara Perkanović, zatraživši da se on razrješi članstva u Komisiji radi akumulacije obaveza.

Sjednica je završena u 15:30.

Sekretar Komisije
Emira Češljar

Predsjedavajući Komisije
dr. Petar Kunić